

職官分紀

卷之四

四

總校官編修

臣王燕緒

校對官中書

臣徐秉敬

謄錄監生

臣馬廷堃

欽定四庫全書

職官分紀卷四十九

文散官

宋 孫逢吉 撰

隋以開府儀同三司特進光祿大夫左右光祿大夫朝
議朝散正議通議朝請大夫朝議郎以下並為文散官
唐因之

國朝開府儀同三司特進光祿大夫金紫光祿大夫銀

青光祿大夫正奉大夫通奉大夫太中大夫中大夫中
散大夫朝議大夫朝散大夫朝奉大夫承直郎通直郎
朝請郎宣德郎朝散郎宣義郎給事郎承事郎承奉郎
承務郎儒林郎登仕郎將仕郎為文散官

元祐令開府儀同三司為使相特進至承務為寄祿官
武散官

隋百官志高祖有翊軍等四十三號將軍品凡十六等
為散號將軍以加汎授居曹有職務者為執事官無職

務者為散官煬帝八尉四十三號將軍官皆罷之置建
節奮武宣惠綏德懷仁守義奉誠立信等八尉以
為散職

唐職官志輔國鎮軍二大將軍冠軍雲麾忠武壯武宣
威明威信遠游騎擊十將軍為散號將軍以加武士之
無職者武德十一年更置驃騎大將軍為從一品武散
官輔國鎮軍二大將軍為從二品武散官冠軍將軍加
大字及雲麾以下游擊以上改為五品以上武散官又

置昭武振威致果翊麾宣節御武仁勇陪戎八校尉各有副尉為六品以下武散官

國朝驃騎輔國正國冠軍懷化五將軍忠武壯武宣威明威定遠寧遠游騎游擊將軍昭武鎮威致果翊麾宣節御侮仁勇陪戎八尉校各有副尉為散官元祐令皆省

勲官

隋百官志文帝因周制更增損之有上柱國上大將軍

大將軍上開府儀同三司開府儀同三司上儀同三司
儀同三司大都督帥都督帥起正二品至正七品總十
一等用賞勲勞煬帝改為光祿大夫左右光祿大夫左
右金紫光祿大夫銀青光祿大夫正議大夫朝議大夫
建節尉奮武尉宣惠尉十一等以代都督以上又增置
綏德懷仁守義奉誠立信等五尉以至從九品

唐職官志武德七年頒領定用上柱國柱國上護軍護
軍上輕車都尉輕車都尉驍騎尉飛騎尉雲騎尉武騎

尉凡十二等起正二品至七品為勳官

五代之初敘勳即授柱國

國朝勳官自上柱國至武騎尉凡十二品等率因舊制

凡賜勳者皆以制勅授之司勳給告身淳化元年詔自

今京官幕職州縣官始武騎尉朝官始騎都尉歷級而

進

內殿崇班初授則騎都尉三班及軍員吏職並初授武騎尉

治平三年文官常

參官與為父後見任官者勳賜一轉

以立今上為皇太子也

元祐令上柱國至武騎尉為勳官

上柱國柱國

史記楚懷王使柱國昭陽將兵攻齊陳軫問楚國之法
破軍殺將者何以貴之昭陽曰其官為柱國封上執圭
軫曰其有貴於此乎曰令尹

前漢書項羽入秦以楚懷王柱國共敖為臨江王

應劭
曰柱

國上卿
官也

後魏孝莊以爾朱榮有翊戴之功拜為柱國大將軍位
在丞相上又拜大丞相天柱大將軍增左吏及榮敗此

官遂廢

天柱之名尊榮莫二昔王莽末劉伯升起兵自號天柱大將軍都督諸軍事

至大統

中始以宇文泰為柱國大將軍其後功參佐命聲實俱重者亦居此職自大統十六年以前任者凡有八人時宇文泰任總百揆督中外軍事元欣以魏氏懿戚從容禁闥而已其餘六人各督二人將軍凡十二人元欣為大將軍當時榮盛莫與為此其稱門閥者咸推八柱國家其後功臣位至柱國者衆矣咸是散秩無統御也隋職官志後周建德四年增置上柱國大將軍隋置上

柱國以酬勲勞並為散官不理事煬帝大業三年改上柱國以下官為大夫

唐職官志上柱國柱國並為勲官

五代史後唐天成五年詔論官爵階勲四等之極自武騎尉經十二轉至上柱國

國朝元祐令上柱國正二品柱國從二品

勲德隆重

後周書詔曰諸柱國等勲德隆重而未育優崇各准別制邑戶聽寄食他邑

邑戶

寄食他邑

上公主為李敏求柱國

隋書李敏求美姿容善騎射開皇初周宣後

樂平公主有女娥英廣擇婚對敕貴公子弟集弘聖宮者以百數公主先取李敏禮儀如常及後將侍燕公主

謂敏曰我以天下為尊惟一女夫當為求柱國若授餘官慎無謝及進見上親御琵琶遣敏舞大悅公主曰敏

何官對曰一白丁耳上謂敏可授儀同敏不荅上曰不滿爾意耶令授開府人不謝上曰公主有大功於我敏

乃拜而蹈舞以購陳叔寶文帝伐陳詔購陳叔會與父主前詔授柱國

齊列楊玄感以父素軍功位至柱國與其父俱為第二品朝會則齊列後文帝乃命玄感降一等玄感拜

謝曰不意陛下寵臣之文帝常遇善相者甚許以公庭獲展私敬相不過柱國文帝常遇善相者

過柱國既而私謂帝曰公當門立戟唐勳至上柱國賜門立戟授者為天下君必大誅而後定

三人劉仁軌伐新羅進爵為公子及兄弟子上柱國三人州黨榮之號所居為樂城鄉三柱里三柱

里上

上護軍護軍

前漢百官表護軍都尉秦官高帝時以陳平為護軍中尉元狩四年以護軍都尉屬大司馬哀帝元壽元年更名司寇

後漢書班固為大將軍中護軍隸將軍幕府非漢朝列職

魏志武帝為丞相以韓浩為護軍史丹為領軍建安十

二年改護軍為中護軍領軍為中領軍魏初因置護軍

主武官選隸

通典歷代史籍皆云護軍將軍主武官選則領軍無主選之文唯陶藻職官要錄云

領軍將軍主武官選舉而護軍不言主選又引曹昭叔述孝敘曰余年三十選中領軍總六軍之要秉選舉之機以此為證又按漢高帝初以陳平為護軍中尉今已主武官矣故有受金讒又魏畧曰護軍之官總有諸將主武官選前後當此官者不能止貨賂故蔣濟為護軍時有語曰欲求牙門當得千匹五百人督得五百匹司馬宣王與濟善聞此聲以問濟濟無以解之及夏玄代濟故不能止絕人事及晉景帝代立為中護軍整頓發分人莫敢犯者又王隱晉書曰景帝為中護軍作選用之法舉不越次吏無私焉又晉起居注云武帝詔曰中護軍職典戎選宜得幹才遂以羊琇為之宋志又云主武官選按此則護軍主選明矣而陶藻所言領軍主選

及昭叔之叙者當因省併之際
為一時之權宜非歷代之常制

晉江右領護各領營兵江左以來領軍不復別置營總

管二衛驍騎材官諸營護軍猶別有營也

周顗庾亮王
善之謝安王

彪之等並
為護軍

皇甫謐集護軍武者之官也

宋護軍將軍一等掌外軍領護資重者為領軍將軍護

軍將軍資輕者為中領軍中護軍

其官屬有長史司馬
功曹主簿五官受命

出征則
置參軍

隋百官志齊梁陳並有護軍北齊護軍府統四中郎將

皆置佐史隋帝十二衛置護軍四人以副將軍將軍無則一人攝尋改護軍為虎賁郎將

唐採前代舊名置上護軍護軍為勲官

國朝元祐令上護軍正三品護軍從三品

觀上風采

東觀漢記朱祐為護軍謂光武曰長安王公頭有日角之相欲觀上風采

吾安可

以無護軍

魏志韓浩以忠勇顯為中護軍掌禁兵置長史司馬從太祖討張魯降議者以浩智畧足

以綏邊欲畱使都督諸軍太祖曰吾安可以無護軍乃令與俱其見信如此

臨護軍教

晉書王羲

之臨護軍教今所任委在於公役均平其差人吏謹在公者覆行諸營家至人告暢吾之心其病老篤疾不堪